

B. N. C.  
FIRENZE

1111

12



1111. 12

A  
Il Sig. Abate Strozzi Canonico Fiorentino si compiaccia di vedere se nella presente Relazione si contenga cosa che repugni allo stamparla, e riferisca appresso, questo dì 28. di Agosto 1637.

*Vincenzo Rabatta Vic. di Firenze.*

Io Ruberto Strozzi d'ordine di Monfig. Vicario hò veduto questa Relazione della Commedia, intitolata le Nozze degli Dei, & non hò ritrouato cosa, che sia d'impedimento alle stampe.

Atteso la presente relazione concedesi, che questa Relazione si possa stampare, osservato però li soliti ordini. Dat. il dì 5. di Settembre 1637.

*Vincenzo Rabatta Vic. di Firenze.*

Adi 7. Settembre 1637.

Si può stampare. F. Gio. Inquisitore.

Alessandro Vettori Auditore di S. A. S.

M 1171

12

紅

1111.12

8

XXV


Am 17

1111

1. *Handwritten text, likely a title or header, possibly mentioning "The History of the County of..."*

# Aduersus Iacobi Om-

phalii maledicta, pro Rege Francorum Christianissimo defensio.





A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

Printed by J. B. Smith, New York.



# Cum ante diem III.

II

Calend. Octobris Colonia discederē, vnāque ci-  
uis vnus Treuerēsis, & Poloni duo nobiles iter fa-  
cerēt: ecce nobis suauissime de rebus multis col-  
loquentibus (vt ferē viatorum mos est) derepen-  
te aduenit Iacobus Omphalius, quem statim, vt  
decurrit, omnes benignē salutauimus, paucāque  
primò inter nos de vrbis situ & aeris temperie:  
deinde Treuerensis ille: Quoniam, inquit, Om-  
phali te nobis siue fortuna, siue deus aliquis com-  
mitē adiunxit, quem ea esse apud illustrissimum  
principē gratia intelligimus, vt grauioribus ne-  
gotiis non intersis tantum, sed pro tua singulari  
prudencia & eruditione præsīs: gratissimum no-  
bis omnibus feceris (vt pro eis etiā loquar) si à ca-  
pite orsus, Cleuēsem causam explicaris. Audimus  
enim te, cum Cæsar in Germaniam venisset, de-  
precatorē, nunc in pacis & amicitiaē fœdere, quod  
inter eos initum est, conciliatorem & pene ar-  
bitrum fuisse: in quo (vt libere tecum agam) id ab  
omnibus reprehēditur, quòd etsi à vobis fortas-  
se tumultuātī propterea Germaniæ opem alla-  
tam videmus: satis tamen intelligitur sic Hispa-  
nos & Italos censere, timore vos & ignauia, non  
patriæ vtilitate adductos omnia Cæsari concess-  
isse. Quæ vt minime fortasse digna sunt, in qui-  
A. ii.

bus refellendis operam consumas: ita maxime ad  
tuam & Germanorum omnium dignitatē per-  
tinet, certi aliquid extare, quod aduersus extra-  
neorū calumnias opponamus. Res enim ipsa se  
quoquomodo tuetur, quod Cleuēsis subditus &  
viribus longe inferior, cum domino & potētiore  
decertare noluerit: sed ipsum se ad pedes Cæsaris  
abiecisse supplicem, nescio quantum commodi  
attulerit, habuit certe dignitatis parum. Et nos,  
inquā, satis mirari non possumus quid principi-  
bus Germaniæ in mentem veniat, vt eiusmodi  
exēplum in se statuam, nō minus perniciosum,  
quā inhonestum. Ad quæ omnia bene longa  
oratione respōdit Omphalius, cuius summa tan-  
tum capita attingam, quod & otii mihi nō satis  
suppetat, & minime necessarium esse, aut ad rem  
pertinere ducam, singula persequi: in quibus ferē  
taliū hominum oratio cōsumi solet. Primū id  
fuit, Regem Galliæ belli authorē fidem Cleuen-  
si non seruasse: ipsūque propterea ab omnibus  
proditum & destitutū, victoris leges, vel inuitum  
accepisse: in quo clementiæ Cæsaris luculentissi-  
mum extare testimonium, quod ei quem perde-  
re poterat, vltro pepercisset. Cancellarium ducis  
Cleuensis magnam eo nomine culpam sustine-  
re, quod induciarū pactum (quod principū quo-  
rūdam legati, in quibus & ipse Omphalius erat,  
magno negotio à Cæsarianis obtinuerant) teme

III

re repudiasset. Non fuisse æquum Principes Electores, reliquosque Germaniæ status (vt vocant) tam magnam eius belli nomine rerū suarum iacturam facere, quòd amissa vectigalia & portoria, interclusa rerum omnium cōmercia essent: sine quibus vix se Germania sustentare posset. Deum Opt. Max. singulari quodam consilio eò Cleuensē redegisse, vt lasciuienti Germaniæ libertati frenū iniiceret: quam eo factō imminutam omnes homines intelligerent: aut quod illi verisimilius videbatur, vt Cæsari nihil obstarer, quo minus adiunctis multorum regum & Principū auxiliis Regē Galliæ regno statim exturbaret. Ipsum enim (vt in omnes parteis se vertat) nihil satis honestæ causæ cōminisci posse, quòd & Cæsari contra induciarum pacta bellum inferat, & Turcarū auxiliis vtatur: quos ab eo in Parisiorum agro dispositos viri cuiusdam in Gallia auctoritatis magnæ literis cōperisset. Non reprobare se eorum cōsilia, qui Christianos omnes in Regē Galliæ accendant: vt eo sublato (quod breui futurum augurabatur) cōmuni tandem tranquillitati & otio cōsuli possit. Hæc ego omnia cum audiuissem, percontari primò cœpi, qui vir hic Omphalius, quēmq; apud suos in Republ. locū obtineret. Vt vero intellexi principis illustrissimi Coloniensis episcopi consiliarium esse, sicque in circulis omnibus, in conuiujs, in Rep.

loqui, vt vel constans iudicium, vel proiecta audacia & improbitas, eo hominem perpellant, vt res falsissimas pro veris asserat, Christianis. Regi conuicietur, consilia & inhonesta & inutilia principibus suggerat: hoc quodcunque est operis, institui: vt si errore & imprudentia lapsus sit, habeat quo se corrigat: si ambitione, auaritia, aut alia quapiam improbitate peccet, quo ab omnibus coarguatur. Non ignoro autē maximo mihi vitio verti posse, si impotenti quadam iracundia aut erga res Gallicas studio, hoc qualecūque tandem futurum est, certamen suscipiam: vt cōtra spero bonos omnes consideraturos me, cū simpliciter ad singula respōdebo, hoc tātum quasi uissem, vt veritas (ex qua, vt diuinus ille Plato scribit, ceu fonte quodam bona omnia nascūtur) vt ea inquam, multorum hominū calumniis, perfidia, & insigni odio demersa, tandem aliquando respiret. Principes autem, ad quos adulatorum & improborum hominū contagio serpit, ex eoque periculum imminet, ne satis ipsi diligēter & caute rebus suis consulant, in hoc quasi speculo ipsi intueantur, quibus artibus se nōnulli insinuent, vt id tandem efficiant, ad quod eos ambitio, aut alia quæpiam cupiditas impellit. Quòd si talium hominum facta priuatis finibus concluderentur, neque in vulgī & imperitæ multitudinis oculos incurrerent, esset quoquomodo ferendum.

IV

Nunc autem cum natura cōparatum esse videamus, vt eorū iudicium & authoritatem lubentissime sequamur, qui aliquam de nobis statuēdi potestātē habent, suscepta vero opinio vix conuelli aut labefactari possit : danda est igitur opera, ne nostra negligentia in hominum mentibus eiusmodi mendacia residere patiamur . Huc accedit, quòd in hac fragili & misera mortaliū natura, nō tam quisque quod putat esse verissimum exquirat, quā libenter de altero credit, & improbis assentitur. Id quod hodie in hac Christianissimi regis causa perspicui potest: & olim in Aristidis iudicio: quem cum Atheniēses ostracismo ciuitate pellerent, inuentus est ex infima plebe quidam, qui ad ipsum testam adferret, qua exilii suffragia ferebantur, ab eoque peteret, vt nomen ipse suum (hominem enim de facie non nouerat) inscriberet. Quem cū Aristides ipse interrogaret, an Aristidem nosset, cūque eum cōdemnādum duceret, à quo damni nihil vnquam accepisset: se nosse quidem negauit : sed propterea condemnare velle respōdit, quòd ex aliis ciuibus intelligeret eum sibi iusti cognomen asseruisse. Sic hodie tota Germania multæ contra Regem Christianiss. iniuriæ spargūtur, quòd vt grues duces sequuntur, sic vulgus à potentioribus dicta excipit, aliisque tradit cum fœnore: ita vt sæpe industrii homines & probi fallantur. Quæ cum

ita se habeant, maximo digni sunt odio, qui confictis mendaciis populo imponunt: inque his maxime tui similes Omphali, quorum facta aut dicta propter dignitatem obscura esse aut latere non possunt. Ut enim gratiam Caesaris aucuparis, populi plausum captes, commodis tuis inferuias, putas tamen sic excæcatos esse principes, ut tandem non videant vestra cōsilia eò pertinere, ut Christianus orbis ruina incendium restinguat: hoc est se & reliquos principes perdant, dum Caesaris potentia obsequuntur. Quid si alii haud ita tui studiosi dixerint mirari se, unde tam repentina commutatio acciderit, quòd tu illi, de quo honorifice prius & sentiebas, & loquebaris, tam impotenter nunc maledicas: nimirum quod de Nicanore Philippus Macedo dicebat, In potentibus esse bene aut male à te audire, aut quod Cadio Cato exprobrat, Frustrò panis hic conducì potest, ut taceat, vel loquatur. Quod ut minime verum puto, ita te etiam atque etiam expendere oportet, quam tu maleuolis de te loquendi occasionem præbeas. Verba enim etsi minus lædunt, quàm facta: magis tamen illius mentem detegunt à quo dicuntur: quòd quisque, ut Sirānes Persa dicebat, verborū suorū sit dominus, factorum autem simul cum rege fortuna. Si igitur ita se res haberent ut tu loqueris, leuitatis tamen notam effugere non



posses, qui cum magistratum geras, aut in Rep.  
 verferis, sic in principum famam irruas, tãquam  
 vnus sis, ex quo reliquorum hominum iudiciũ  
 pendeat. Cũ vero apertè falsa sint, quæ de Chri-  
 tianissimo Rege sparsisti, elige vtrum malis, im-  
 probum te exili & demisso animo, an vanum &  
 sòcordem confiteri. Quod tibi non exprobro (à  
 me enim omne maledictum aberit) sed sic tecũ  
 ago, vt quiuis è populo, qui tibi fortasse tantum  
 non tribuat, te neque diligit, neque veneretur.  
 Is enim merito cum alia multa reprehendat, tũ  
 id maxime quòd tu (vt periti artifices mentiendi  
 facere solent) cum tibi ipsi diffideres, extraneorũ  
 testimonio & literis tanquam ob signatis tabulis  
 nobiscũ egisti: quòdque Demosthenes AEschi-  
 ni obiicit, in describendis locis & personis mul-  
 tus fuisti, vt aliquam confictæ orationi ex eo fidẽ  
 astrueres. Quo quid turpius dici aut cogitari po-  
 test? si priuatim tibi scriptas ab amico literas pro-  
 ferres, neglecti officii culpa tenereris: falsum au-  
 tem ei impingere, quem vitæ dignitas ab omni  
 culpa & errore vindicet, cuique tu amicũ te esse  
 profiteris, impudentiæ plus habet, turpitudinis  
 non minus. Iam vero quid attinet cõuitiis veluti  
 è plaustro potentissimum Regem incessere? Si  
 Cæsari ipsi inseruires, quem à Gallis controuer-  
 siæ & bella disiungũt, è tuane esse dignitate exi-  
 stimares, sic in hostes incurrere, vt amicũ læso



lent, quæ nullam famæ rationem habendâ censent, dum quo possunt modo, hostes ipsæ suos vlciscantur? Laudatur meritò Alexander, quòd cū quidam ipsius miles Dario malediceret, respondisse fertur, Non te alo vt Dario conuitia ingeras, sed vt contra eum pugnes. Inflāmant enim illa principum animos, & quasi furia, faces bellorum accendunt: quibus iam annis aliquot totus pene orbis contlagrauit. Omnes propterea hoc loco Germaniæ principes & hortor & moneo, vt pro antiqua generis nobilitate, fide, officio, & tot beneficiis cōfirmata cum Gallis societate & amicitia diligenter considerent, quid sit tandem ex talium hominum consiliis sequuturum: neque se transuersos ab his aut illis rapi patiantur. Id vero diligenter in primis perpendāt, quod ad eos maxime pertinet, excidia Regnorū omnium, vrbium & populorum ruinas testari, nihil tam perniciosum in hominum vita posse accidere, quàm nimium vnius hominis potentiam augeri: in quem cum certatim omnes omnia conferant, aureis se compedibus vinciendos præbent, neque sentiunt se sic vndique constringi & illigari, vt illis effugiendi potestas nulla detur. Quemadmodum igitur Socrates se tam dementem fore negat, vt leoni barbam radere velit, sic recte & consulto mea quidē sententia facient, si ita se totos Cæsari non dedant: cuius hæ

vi

artes sunt vt tractari se tandiu patiatur , donec  
nullo discrimine in hostes & amicos sãuire pos-  
sit. Cuius rei etsi satis multa testimonia extant,  
constitui tamen causas bellorũ quibus Christia-  
nus orbis conficiatur, breuiter & vere persequi,  
vt & omnes homines intelligant nihil vnquam  
maluisse Christianissimũ Regem quàm pacem:  
& ex eo viri boni prospicere possint, quibus re-  
mediis ruenti propemodũ Reip. subueniri pos-  
sit. Illæ enim sunt Christianorũ principum par-  
tes: eãque nos omnes curam & diligẽtiam ad-  
hibere oportet, vt dissidia neque alamus neque  
confirmemus, sed salutaria remedia quæramus,  
quibus ægra potentiorum mens, si non sanari, at  
certe curari saltem possit. Quòd si refractariè &  
peruicaciter eam causam tueri velimus, in quam  
nos peruersa cõsilia, vt sãuissima quædam tem-  
pestas , abstulerint , futurum est vt breui Chri-  
stianæ Reipub. interitus consequatur . Vt enim  
omnes omniũ hominũ vires coeant , vt fœdera  
omnia & amicitia in vnus Gallia caput & per-  
niciẽ cõspirent: nulla tamen ei insignis calami-  
tas afferri sine Christianorũ omniũ luctu facile  
potest . Quòd si paulisper attendere Germaniæ  
principes velint, neq; ita vnus hominis potẽtiæ  
libertatem suã addicãt, vt ipsius nutu & imperio  
cũcta gerãtur, prospicio ipsorũ prudẽtia & Chri-  
stianis. Regis moderatione otiiũ & trãquillitatẽ

toro orbe cōstitutū iri. Quod vt breui cōtingat,  
Dominum nostrum IESVM CHRISTVM ro-  
go & obtestor. Quoniam vero vsu comperimus  
quod Priuernas ille in Romanorum Senatu di-  
xit, Iniustam pacem non fore diuturnam: bel-  
lāque quotidie ex bellis serimus, dāda est diligē-  
ter opera ne confutis dolis in speciem aliqua pa-  
cis fundamenta iaciamus. Ea enim sola est via,  
quæ ad quietem & tranquillitatem ferat. Cætera  
homines multo maioribus dānis implicant, dū  
se pacis aut induciarū nomine delusos sentiunt.  
Vt igitur ad rē veniam. Quòd Christianissimū  
Regem huius belli auctorem nominant, id vero  
dispiciamus. Agrum Mediolanensem iure ad ip-  
sum pertinere, nemo eorum qui vsu aliquo in  
Rep. aut mediocri rerum cognitione sunt præ-  
diti negat, quod sciam. Nam & successio à Valē-  
tina Ioānis Galeatii filia ad Franciscum Gallia-  
rum Regem id satis ostēdit, & diplomata Maxi-  
miliani Cæsaris: quibus reiecto Sfortia, in fidem  
& clientelam Romani Imperii Ludouicum Rē-  
gem Francorū ex Statuum cōsilio accepit. Quæ  
si dubia essent, id tamen vel maleuolorū cupidi-  
tati satisfaceret, quòd eius agri & ditionis contro-  
uersiā libere Germanis principibus disceptandā  
permisit. Quod facere nō solent, qui ius in armis  
positum putant, omnēque iudicium defugiunt,  
quo ea quæ vi occupāt retinere possint. id ipsum

VII

ergo ius agri Mediolanēsis, cum ante annos circiter septem merito armis sibi Rex Christianissimus vindicaret: quòd & Sfortia contra omniū gētiū iura legatum necasset, & Cæsar nulla laceratus iniuria tam hostiliter in Galliæ Regnum impressionem fecisset. petente tamen Paulo III Pontifice Maximo, id totum Reipub. Christianæ cōdonauit. Nam quòd prætexebat Cæsar se ideo arma sumpsisse, quòd è dignitate Imperatoria esse censeret Sabaudia Ducem tueri, id vanum apparuit, cum ex iniusta ipsius detentione, tum ex eo, quòd causam suā Rex Galliæ in publico Germaniæ cōfessu omnibus probauit. Quæ ideo breuiter percurro, quòd & vetera sint, & ita recentiora consilia mentem Imperatoris detegant, ut nullam earum rerum mentionem facere sit necesse. Sicut ergo Gracchus ex itinere scripsit se animaduertisse comitiis consularibus tabernaculum vitio captum fuisse: ita Imperator cum omnes pacis conditiones Niceæ repudiasset, & tantum inducias cum Rege Christianiss. pactus fuisset, ex itinere rescripsit cupere se cū ipso ad Aquas Mortuas colloqui, ut inter eos de summa rerum tandem aliquando conueniret. In quo ita se facilem, ita humanum præbuit Rex Christianiss. ut quanuis intelligeret id agi, ut re infecta multorum Principū legatos dimitteret, qui tum fœderis percutiendi causa venerāt: maluerit

tamen de suo iure decedere, quàm quicquā cau-  
sa Cæsari præbere quo minus eo postea æquiore  
vteretur. Equidem animo maximum dolorem  
capio, cū considero non perpēdi singulare Gal-  
lorum studium ab illis maxime, qui tum apertè  
querebātur prodi Europæ libertatem, quòd am-  
bitioso principi ita multa Rex Christianis. per-  
mitteret. Quæ tū Dii boni Anglorum cōcur-  
sationes, quàm frequentes, quàm amicæ literæ: vt  
se in omnes partes vertebāt, ne à Gallis destitue-  
rentur? quàm cupiisset Angliæ Rex pensione illa  
(quā nunc ferociter postulat) decidere, quo præ-  
sidium cōtra eum compararet, quem fratrem &  
fœderatū nominat? Sed sit sanè nulla constantis  
amicitiæ gratia, id in beneficii loco non ponat  
Angliæ Rex, quòd nunquā adduci potuit Gallus  
vt hostile quicquam contra eum moliretur, o-  
mnia humanitatis iura permisceat, imò obliui-  
scatur etiā si volet, orta in Anglia seditione præ-  
sens semper è Gallia auxiliū fuisse: tã vecors ta-  
men erit princeps ille mea sententia prudētissi-  
mus, vt suo se gladio iugulet, hoc est opibus suis  
eius potentiam confirmet, qui omnium homi-  
num libertati insidiatur? Vos itē ô Illustrissimi  
principes cogitare conuenit, nūc cuniculis ten-  
tari libertatē vestram, quæ tum apertè oppugna-  
batur: atq; meminisse quæ tum sollicitudo, quæ  
trepidatio fuerit, quantus omnium metus: nec

211  
obliuisci, sic se semper Gallum gessisse, vt præ se  
tulerit, nullum se vnquam cum eo foedus initu-  
rum, qui vestrae libertatis expugnanda consilium  
cepisset. Quod si aliqua ratione orta inter vos dis-  
sidia componi possent, fidem suam, diligentiam &  
authoritatem est pollicitus. Contrà, quid alii fe-  
cerint videamus. Cū ita facilem naetus esset ad-  
uersarium Cæsar, spes ei statim iniecta est fallēdi  
hominis, si ita se totū componeret vt paci & o-  
tio consulere, nullūque non mouere lapidem  
videretur, quò firmam & æternam cū eo amici-  
tiam quibus posset officiis sanciret. Latebat inte-  
rim inclusum illud odium: quod, vt emissæ ca-  
ucis immanes bestiae, magno postea impetu in  
Gallos erupit. Misso enim in Galliam Legato Sā-  
cto Vinciano homine non tā versuto quàm per-  
fido, de contrahenda inter eos adfinitate, iun-  
gendisque matrimonio liberis egit, compendia-  
riam esse ad imponendum viam ratus, si mon-  
tes & maria polliceretur. Non est difficile men-  
tem Cæsar's indagare homini non omnino stu-  
pido, sed tū oculos præstrinxerat Gallis, cū quie-  
tis & otii spes, tum Reipub. Christianæ amor,  
vt semel atque iterum delusi, non intelligerent.  
Ad extremum verò, etsi neminem latebat quor-  
sum Mæandri & anfractus consiliorum pertine-  
rent, nihil tamen honestius visum est quàm be-  
neficiis cū & patientia vincere, vt partem aliquā

boni & æqui impetrarēt. Sed quid facias, vbi sūt  
intimis visceribus defixi ambitionis aculei? Vbi  
regnādi cupiditas hominem de statu deiicit, sen-  
sus omnes, animum, mentem totam occupat? Si  
perferas, magis ac magis accenditur: Si repugnes,  
marī cælo confundet: Si beneficiis emollias, hu-  
manitate mitiges, vt Chamæleon, se in omnes  
colores, præter album mutat: ita hæc dominan-  
di libido quiduis potius, quā honesta consilia fe-  
ctabitur: etsi apertè proficere nihil possit, ad frau-  
des & dolos cōfugiet. Quod extremū est in rebus  
mortalibus, necessitas fortasse cōpellat: at Cæsar  
ne tū quidē adduci potuit, vt de ingenio suo quic-  
quā remitteret Gādauienses magistratuū iniuriis  
cōpulsi, indictionibus, tributis, vectigalibus ex-  
hausti, in summa rerū desperatione mori potius  
decreuerunt, quā diutius Cæsaris imperiū per-  
ferre. Ad tumultū primo res venit, ex hinc sedi-  
tio cōcitata: ad extremum bellū imminebat. Re-  
gina Maria, vt nunc minis, nūc precibus ageret,  
nihil proficiebat. Verū est enim quod Poeta ait,  
Tollas licet omne quod vsquā est Auri atque ar-  
genti: scutū gladiūque relinques, Et iacula &  
galeam: spoliatis arma supersunt. Item alio loco,  
Furor est post omnia perdere naulum. Maiorū  
ergo gentiū Dii implorandi, qui perditis & pro-  
fligatis rebus opem ferrent, permultum itē erat  
positum in celeritate. Vt enim flamma longius



14  
serpendo vires acquirit: ita seditio, si non com-  
primas, paruis initiis profecta, magnum sæpe ex-  
citāt incendium. Cæsar igitur non esse cunctan-  
dum ratus, breuissimam esse ex Hispania in Bel-  
gicum viā sciebat, si per Galliā iter faceret. Quod  
(vt paucis singula complectar) non solum ob-  
tinuit: sed plaudente populo, ducente nobilium  
caterua, Rege etiam ipso comitāte, festis vbique  
vobis, inaudita & incredibili pecuniæ effusio-  
ne exceptus est. Putabat enim Rex Christianis.  
se latissimum diem videre, quod oblitterata bel-  
lorum memoria, omni vindictæ ardore extin-  
cto, perpetuæ pacis quasi obsidem teneret. L nūc  
Omphali, & Gallum belli authorem nomina, qui  
naturæ, pacis studio, vim intulit: sublatum vene-  
no filiū, summissos sicarios qui eum in suo lectu-  
lo interficerent: hostilem in Galliam eruptionē:  
tot prodiciones, tot maledicta obliuioni vel silē-  
tio potius tradidit: quod facilius paci, otio & trā-  
quillitati consuleret. Ostentatione fœderis Gal-  
lici Cæsar subditos suos in miserrimam seruitu-  
tem, qua & nunc premūtur, coegit: omnēque  
inuidiam tam tetri facinoris, tam acerbæ in Gā-  
dauenses crudelitatis in Regem Christianis. trā-  
stulit. Dicta omnia & promissa de Mediolano, de  
contrahenda adfinitate, facta nescio cuius regni  
mētionē, statim elusit: nec ex eo die destitit per-  
niciē Galliæ & interitū, si res ex voto succederet,



moliri . Eum autem nihil maluisse quàm bellū  
etsi ex his quæ consequuta sunt perspicui potest,  
non patiar tamē diutius homines in errore ver-  
sari: & consiliū Cæsaris aperiam. Hispani col-  
lata sæpenumero ingenti pecunia , expeditionē  
in Africam stipulati fuerant: vt tuta sua littora  
à Barbarossæ incursionibus & latrociniiis essent.  
Germani itē imminente bello in Hungaria, me-  
rito postulabant vt Cæsar eò vires suas omnes cō-  
uerteret: quod eū haud dubiè fecisse decuit, qui  
eis tam multa polliceretur. Videbat igitur aut bel-  
lum sibi contra Turcas gerendū fore, aut se mul-  
tis artibus collectam Germanorum gratiam a-  
missurum, quòd eos in tam præsentī periculo de-  
fereret. Mouebat in primis vtilitas, quòd priua-  
tim nihil sibi eo bello acquireret: periculum au-  
tem esset, ne post decennium illud, quo inducia-  
rum tempus cedebat, Regi Christianis. inops &  
adflētis rebus obiiceretur. Nihil itaque commo-  
dius visum est, quàm Regem vel inuitum ad bel-  
li cōsilia impellere: vt duorū quæ tum sibi pro-  
ponebat, alterutrum efficeret. Si vlla ratione per-  
pelli posset Rex Christianis. ipse caperet iniuriæ  
sue fructū: in eū totius orbis odiū concitaret: &  
ex Turcici fœderis suspicione inuidiā apud prin-  
cipes cōflaret: nihil denique nō moliretur quo re-  
gnū illud quod spe deuorarat, iterū tentaret. Sin-  
minus, paulatim Regē Galliæ, aliósq; Christianos

principes assueſcēret omnia perferre, quæcūque illi facere collibuiſſet. Nec cū ſpes ſeſellit. ſic enim rē aggreſſus eſt, vt neceſſe habuerit Rex Chriſtianis. armis iniuriā propulſare: aut ſuſcepta ignauia & muliebris cuiuſdā animi infamia & macula, magnū rerum ſuarū diſcrimen ſubire. Ad quæ antequam veniam, Illuſtriſſimos & pruden- tiſſimos Germaniæ principes cōſiderare velim, quid comitiis Ratiſbonenſib. actum ſit: vt luce clariuſ videant, nihil eum ſolidi aut expreſſi, ſed præſtigias quærere, quibus iſtis imponat. Vt enim nugatoria illa & ſophiſtica de cōcordia religionis omittam, quibus nō tam agebatur quid conſtitui pie aut doceri poſſet, quā ſimulata quædam erga Germaniæ ſtatus & Papæ collegiū voluntas: in negotio Turcico poſt hominū memoriā callidiſſima ratione propoſuit terra & mari bellū cōtra Turcas gerendū eſſe: vt ſibi maris partes depoſceret, terra autem grauiſ. belli onus Germanis imponeret. In quo duo potiſſimū ſequēbātur: vnū vt tanta belli mole oppreſſi Germani, iſtius iugū detrectare non poſſent: alterū vt aliquid nihilominus iſtorū cauſa feciſſe videre tur, cū nihil effeciſſet. Erat enim eos ſumptus in bellū Turcicū imputaturus quos alioqui facere cogitur in Sicilia, Neapoli, tota Italia, in ea deniq; Hiſpaniæ parte quæ Africā tangit. Si bene & feliciter res cecidiſſet, regnū Hungariæ iſtius fratri

Ferdinādo Germani restituerēt, ipse portubus & mari potiretur. Euāgelicis principibus ita multa se facturum recepit, vt non plura Chares olim promiserit. Nūc Cleuensi victoria insolētior factus, bellū eis minitatur. Nō est quod olim pro uerbio Athenis dicebatur, Theramenis cothurnus: sed Philippi cuiusdam Macedonis, aut Turcæ potius veteratoria & insignis calliditas, cum vtrosque ex æquo te amplecti similes: hunc bona spe confirmes, alterum deterreas: hunc nō ames, alterum oderis: sic toto orbe seditiones, dissidia, bellum denique tuis artibus serere, vt profligatis & cōfectis omnibus solus imperes: ex nostris malis tua compares commoda: solus viuas: nos veluti vmbrae quædam exuctæ & exangues tuam aquilā circunuolitemus. Neque verò Cæsar Papam prius odissē cœpit, quàm Angliæ Rex ad ipsius partes accessit. Hunc porrò neque amare potest, neque diutius in ipsius amicitia mansurus est, quàm id conducere rationibus suis putabit. Quòd si par animo euētus sequatur, (quod Deus auertat) hunc ipse regno præcipitem, aut ipsius liberos dabit. Aliud nūc longè agitur, quàm Brunswicensis restitutio, in qua si insistere (vt spero) non possit, viam sibi cōtra Gallos præstruet, vt qua poterit ratione, id quod vult assequatur. Nunc vt ad rē redeā, quàm tetra, quàm immani facinore Christianiss. Regem vel inuitū ad bellū

Cæsariani impulerint, operæpretium est cognoscere, quò leuiora illa quæ Ratisbonæ acta sunt, melius perpēdi intelligiq; possint. Primū quòd Sabaudix Duci Regis Christianis. accusandi locum Cæsar dedit, contrā, quàm præ se ferebat. Deinde vafro consilio egit, vt libellus ille concordix, de qua inter eos qui Collocutores vocabantur, cōuenerat, ad ipsum Regem mitteretur: vt si probare se diceret, in Papæ odium incideret: sin minus, alterutrum ipse Cæsar efficeret: aut eam à Germanis, quam cupiebat, gratiā iniret, quòd solus ea non improbaret: aut Gallum, vt tranquillitatis & concordix hostem insectaretur. Tertium verò, vt nō est à multis animaduersū, ita eximia cuiusdā artis fuit, rogare Christianos principes, vt simul cum sacrosancto Imperio, pium illud & nunquam satis laudatum cōtra Turcas bellum susciperent. quod & nūc agitur. Id verò perinde est, ac si Imperator omnes principes rogaret vt ipse omnium humeris sublatus, in monarchica illa sella collocaretur, cuius adipiscendæ causa nihil non faciēdum putat. Legatos duos Cæsarem Fregosium supremi ordinis equitem & Rinconem eximia prudentiæ & auctoritatis virum interficiēdos, cū Venetias proficiscerentur, curarunt. Cuius facti indignitatem cum sustinere non possent, primo inficiati sunt. Deinde cum Langzi opera ita inuestigata & cō-

c.iii.

perta essent omnia, vt manifestè tenerentur, ad illud confugere, cuius specie velificantur: missos eos ad Turcas, atq; ideo iure vt Christianæ Reip. hostes, interfectos fuisse. Quod falsissimum esse vel id satis ostendit, quòd mandatorum commentarios non euulgarunt, homines alioqui ita in spargendis rumoribus exercitati, vt dubium reliquerint quibus in rebus eis fides potissimum haberi debeat. Id enim mendaciis consequuti sunt, vt eis, etiam si verum dicant, nō credatur. Si igitur ipsorum opera è medio sublata sunt, non refugiant, non tergiuersentur: sed factū agnoscant, dum iure probent legatos, qui publica fide & induciis freti, sine cuiusquam iniuria proficiscuntur, indicta causa necari posse. Sed illud ridiculū, quòd omnem huius facinoris suspicionem à se amoliri contendunt, & interim deprehensos esse commentarios affirmāt, quibus ad Turcam mādāta cōtinebantur. Sed vt illud vobis dem, quod prius asseuerare non potestis, quàm de vestro scelere confiteamini, aliquanto tamen clarius explicate cuiusmodi mādāta fuerint. Non enim si ad Turcam legati proficiscebantur, idcirco aliquid moliebātur contra Remp. Aliter enim quid Papæ, Venetis, Polono, imò quid ipsius Cæsaris fratri faciatis, qui tam abiectè (ne quid aliud dicam) à Turca petiit vt sibi Hūgarix regnum imposito tributo concederet? Sed vt in huius causæ arcem

inuadam: Si tam amans pacis fuit Cæsar, quàm  
videri vult, cur tū cū Christianissimo Rege non  
expostulauit: cur ad id statim profiluit, quod ex-  
tremum esse solet, vt si alia ratione nobis non sa-  
tis fiat, rem gladio vindicemus: Expendite nunc  
vtiliusne Reip. fuerit legatos dimitti, an funestis-  
simum toto orbe incendium concitare: aut ho-  
nestius Achillæ, Tolumnii, Ariouisti (qui ex om-  
ni fere hominum memoria soli legatos interfe-  
cisse recēsentur) exemplum vsurpare, quàm id,  
quicquid erat, contra eos odii, remittere: atque  
vindicta potiore[m] ducere Reipub. tranquillita-  
tem: Ne autem homines suspensos teneam, ex-  
plicabo breuiter quid à Turca Rex Galliæ petar,  
& quæ tum ad eum mittendi causa fuerit: vt in-  
telligi possit, eum, qui simulatione hostē se Tur-  
cæ haberi vult, plus malorum in Rēp. inuexisse,  
quàm vt ei vlla ope, nisi diuinitus auxilii quip-  
piam affulserit, subueniri queat. vt contra, is qui  
Turcici fœderis inuidia flagrat, nulla alia causa  
adductus oblatam à Turca pacis & qualiscunque  
amicitiæ coniunctionem non repudiauit, quàm  
quo laboranti Reip. mederetur. Illius igitur au-  
spiciis, Cassiandri ductu, Germanus miles in Illy-  
rico, ferro & fame absumptus est. Croatia ferè to-  
ta Dalmatiæ pars non exigua sub acerbissimum  
Turcarum iugum redacta, ferò queritur se An-  
stiacorum imperio à Reip. Christianæ visceribus

auulſam fuiſſe: eiufdem auſpiciis iterum Germa-  
nus exercitus in Pannonia (Brandēburgenſis ſci-  
licet fide & diligētia) dysenteria, fame & pthiſi  
quadam periit. Hungaria tota (proh dolor) iſto-  
rū temeritate, quæ veluti in præſidio pro Reip.  
ſalute excubabat: illa inquam nobis erepta, Tur-  
cæ imperium ferre cogitur. Vidit Ambracius ſi-  
nus fugatam Hiſpanorum & Venetorū claſſem:  
Cauſtrum nouū in Illyrico, Africæ littora ad Al-  
geram Chriſtiano ſanguine redundarūt. Sequu-  
ta eſt vaſtitas Germaniæ, Italorū trepidatio: &  
vt Græco verſu complectare hoc imperante,

Πλείν μὲν γὰρ γαῖα κακῶ, πλείν δὲ θαλάσσια.

Rex Chriſtianiſſimus cōtrà regnū pupillo, Hun-  
gariam Chriſtianiæ Reipub. cōſeruare cupiebat.  
& id partim authoritate, partim ſuadendo perfe-  
cerat: ſi Ferdinādus Rex tam æquo animo legi-  
timum Regē tuliſſet, quàm libenter Turcæ tri-  
butū obtulit, atque Germaniā in neceſſariā vi-  
tæ, dignitatis & fortunatum deſenſionem, ſubla-  
to quaſi propugnaculo, cōiecit. Idem propemo-  
dū Venetis accidiſſet, niſi eos conſilio ſuo & au-  
thoritate Rex Galliæ ſubleuaſſet. Tradita tamen  
Nauplia & Monembafi gens alioqui prudentiſſ.  
Cæſarianæ coniunctionis pœnas dedit. Cū item  
anno ſuperiore Rex Chriſtianiſſ. Spiræ conſiliū  
& fidele & reipub. ſalutare dediſſet, ne temere &  
non aliter conſtitutis rebus Germani aduerſus



Turcam bellum decernerent, vt Imperii & Germaniæ nomen apud exteros celebre & veluti sacrosanctum ab omni temeritatis & ignauia labe liberum intactumque maneret: id literis publice Cæsar accusauit prodi Rempub. communicasse Gallum cum Turca, fortunas & consilia quæstus est. Sed euentus docuit (quod sine magno animi dolore commemorare non possum) vter maiorem rerum suarum, aut publicæ salutis & otii rationem habuisse videatur. Rex igitur Christianis. omnem diligentiam adhibuit, vt tranquilla Germania, incolumi & florête Pannonia, pax toto orbe cõstitueretur. Cæsar variis artibus hanc perdidit: illam concitat, hortatur, rogat, vt bellum Christianis. Regi indicat, satis se genio non fecisse existimans, nisi quã iam externis bellis implicauerit, eam à potentissimi Regis amicitia & fœdere præterea diuellat. Quibus omnibus accebat iniustissima comitatus Sancti Pauli, occupatio: de quo in pacto induciarum disertè cautum erat, vt eius possessio penes Regem Christianissimum esset. Atque ideo legatum ad Reginam Mariam, illius possessionis repetendæ causa misit, vt si quo modo suum tueri posset, armis non experiretur. Cui à Burgundico consilio id tantum post varias ludificationes responsum est, Cæsaris Legatum esse in Gallia, à quo ista omnia pendenda essent. Quod si Regi Christianissimo non



fatiffieret, daturos se operā pollicebantur vt Cæ-  
sar multa antè de suo iure concederet, quàm res  
ad belli discrimen deduceretur . Sed prodidit se  
statim simulatio, planūmq; fecit, nihil eos mal-  
le quàm bellum: cum tam studiosè omnia con-  
quirerent, quæ ad id spectare videbantur . Illa e-  
nim ipsa die grauissimo edicto sanxerunt vt om-  
nes qui sectam Cæsaris non sequerentur, prouin-  
cia excederēt, aut fortunis omnibus & vita mul-  
tarentur. In quo illud crudelissimum, quòd mi-  
seros ciues à domino suo desciscere coegerūt, aut  
exilii causa solū vertere. Turpissimū verò, quòd  
illud ipsum eo potissimum tempore faciendum  
censuere, quo amicitia speciem præ se ferebant.  
De iurisdictione episcopi Morinensis, quam Cæ-  
sar nescio quò prætextu interuenterat, idem pla-  
nè responsum legatus tulit: cum interea se pro-  
baturum diceret diploma illud Romanum, quo  
solo ipsi nitebantur, per surreptionē (vt Iuriscō-  
sulti vocant) cōcessum fuisse. Quòd si id in sum-  
mi cuiusdā beneficii loco Papa Cæsari deferret,  
non posse tamen eum sine totius Ecclesiæ con-  
sensu receptam tot seculis prouinciarum cōmu-  
tare diuisionem. Equidem multum mihi effe-  
cisse videor , quòd in quo maxime Cæsariani se  
iaçant, in eo ipso non minus turpiter eos men-  
tiri, quàm improbe se gesserint docui, eo potis-  
simum nomine, quòd eis detracta in posterum

fides videtur . Nam quòd destitutum à Christianissimo Rege Cleuclēm dicunt, etsi ex eo falsum esse cōvinci potest quod ille scripto in Germania diuulgauit, aliquanto tamen mitius agam, ne beneficium illi exprobrare videar: breuiterque demonstrabo vter immeritò ab altero desertum se & proditum dicat. Iam inde ab initio belli, quod illi Cæsar contra omniū gentiū iura intulerat, amicos suos rogare in Germania Rex Christianissimus nō destitit, vt ei in rebus omnibus auxilium ferrent. Ipse porro cū viginti quinque milia aureorum in singulos menses suppeditasset: ad extremum vt intellexit Cæsarem tantis copiis, quantas ipse in Hispania, Italia, & tota fere Germania cōtrahere potuerat, hostilem admodum in Iuliacum impressionem fecisse, maluit sua prædæ & incendio obicere, quàm illum vel minimam rerum suarum iacturam facere. Itaq; relicta Picardia, rebus omnibus secunde & prospere fluentibus, Luxemburgum exercitum eo animo traduxit, vt procurata re frumentaria, quàm posset maximis itineribus eò cōtenderet vbi Cæsar obsidionē soluere aut prælio decertare cogeretur. Sed ea nihil profuerūt: ita dux Cleuenfis siue ignorantia incautus, siue metu coactus, in seruitutē & exitiū præceps ruebat . Prius enim de deditioe auditum est, quàm vt ei vlla ratione ab amicis subueniri posset . In quo illud

fatis mirari nō possum, quòd adfinitatis, fœderū  
& consanguineorū amicitia immemor, eo ipso  
tēpore quo abiectē libertatē suā addixit, quin-  
quaginta coronatorū millia à Christianissimo  
Rege accipere nō dubitauit, cū tamē ei hostem  
se fore in posterū Cæsari promississet. Quæ om-  
nia vt culpæ nō institui (satis enim per se cuius-  
modi sint ostendunt) ita magnū animo dolorē  
capio, cū confidero, nō satis perpēdi quantum  
inter antiquā Germanorū fortitudinē atque pru-  
dentiā, & nostrorum hominū tarditatem aut si-  
mulationē potius intersit. Illos enim omnes hi-  
storiæ testantur, vitam sæpe pro libertate, ma-  
gna cum laude posuisse: hi verò in beneficii lo-  
co ponūt, quòd Cleuensius amissa libertate, dire-  
ptis fortunis, eius beneficio viuat, cui longe plu-  
ra sponte tradidit, quàm ei fortuna adimere po-  
tuisset, vt se totā in Cæsaris sinum abdidisset. Nō  
vidēt (vt obiter ad alterū Omphalii caput respō-  
deam) patefactā Cæsari viam, imminutā sacrosan-  
cti Imperii dignitatē, nihil nunc obstare quo mi-  
nus cū vult, longe maiora moliatur: neque cō-  
siderant quàm alte insitū contra quosdam odiū  
in ipsius animo insideat: quàm magno in metu  
victuri sint qui vel latū vnguē ab eo discesserūt.  
Si dolet, meminit: si placet, obliuiscitur: ita ver-  
sus est, vt quēlibet vultū sibi affingat: personā  
rursus cū vult, detrahit. eū vicini timent: hostes

xv  
formidāt: amici nō satis credunt: & vt vno verbo  
dicā, Dulcis inexpertis cultura potentis amici:  
Expertus metuit. Eum enim amare non po-  
tes, qui de te statuendi potestatem habet: neque  
repugnare audes, cum te ex ipsius imperio ex-  
plicare non possis. Quanto igitur satius erat, ve-  
ctigalia, imò aras & focos pro nihilo ducere, quā  
ita se suāque omnia vnius arbitrio permittere,  
qui lubēter neminem liberū esse patiatur? Quid  
est autem, quòd lasciuientem Germaniæ liberta-  
tem eo facto compressam fuisse dicant? cum lō-  
gè magis timendum sit, ne non satis sibi Germa-  
ni caueant, quàm ne vanum sibi metum ii cōfin-  
gere debeant, qui non sentiunt vitam sine liber-  
tate nullam esse. Neque verò Cancellarii factum  
reprehēdere debent, qui inducias aspernatus est,  
cum maximo id nunc illi dent vitio, quòd tam  
iniustæ paci cōsensērit, vt eum authorem & im-  
pulsorē fuisse non dicam. Res igitur sic gesta est:  
Dux Cleuēsis ad conuentum Nurembergēsem  
Legatos miserat, quibus id in primis mandatum  
fuerat, vt Ordinibus Germaniæ exponerēt, quàm  
crudeliter Cæsariani Ducatum Iuliacensem (de  
quo nunquam controuersia fuerat) cæde & in-  
cendio vastassent: nullāque vnquam ratione ad-  
duci potuissent, vt ex Imperii legibus & decretis,  
quæ aurea illa (vt vocant) bulla continentur, sua  
in iudicio Cameræ aut principum cōcilio repe-  
d.iii.

terent . Itaque rogarent eos primum ut publicæ tandem libertati consulerent, quæ tum à Cæsare oppugnaretur, cōtra quàm Francfordiæ dictum ab eo & promissum fuisset. Deinde ne diūtius malum illud in Germania grassari sinerent, quod aperte Reip. interitum denuntiaret. Quod si iustæ pacis conditiones ab Ordinibus proponerentur, nec Duci inhonestæ, nec toti Germaniæ inutiles: eas ipsi non repudiarent . Sin verò nihil boni atque æqui impetrare possent, auxilia ex antiquo principum Germaniæ fœdere postularent. Nihil æquius visum est, ita ut omnium animi ad pacis cōsilia inclinarent, si Cæsariani tolerabili aliqua conditione pacisci voluissent. Sed ut maior eorū ambitio visa est, quàm ut ei mederi possent, nisi se Geldriæ & Iuliacensium Ducatu Cleuens abdicaret: re quasi comperendinata, totum id negotium ad proximos conuentus reiecere. omnes ferè Germaniæ Ordines re infecta discesserant, cum ecce tibi Omphalius existit magna pacis simulatione, eam se controuersiam dirempturum pollicetur. Aderant & alii, quos hominis species fallibat. Atque res tandem eò deducta est, ut Cæsarianis Cleuiæ Legati , domini sui nomine reddituros se ea omnia promiserint, quæ ipse iure belli occupasset: cum interim Iseberga oppidū Cleuense, quod ceperant, Cæsari liberum maneret. Quinetiam quo maius fidei suæ testimoniū ex-

taret, arcem suam munitissimam Sittart, de qua nulla esset controuersia, Cæsari, relicto præterea in eius potestate induciarum tempore, permiserunt: eosdem ipse Cleuensius interim cum Cæsare hosteis haberet, quod sinistrè in Gallia Regē detorquebant. Quibus omnibus id agebatur, vt se à Gallorum fœdere disiungeret: ipse sibi perfidiæ & ingrati animi notam inureret: militē vel perpetuo alere cogeretur, vel omnia Cæsari permittere: imperii tutela se abdicaret: suorum libertatē proderet: in sua denique ipsius causa præuaricaretur. At, inquires Omphali, nullo id vitio nostro, sed rei difficultate cōtiguit: ita vbique Cleuēsi periculum imminebat. Ego verò honestius esse duco, intrepidum se morti offerre, quàm animo molli & effœminato præditum, sic sine laude viuere vt mori videaris. Nolim te, aut aliū quēpiam eius rei culpam sustinere: tantum abest vt tibi crimen hoc impingam. sed tamen qui tanta rei indignitate non commouetur, is omnis sensus, expers sit necesse est. Huc accedit quòd milites Cleuēses ferè numero Cæsarianis pares, certè robore & vsu longè superiores, ita ad pugnam appositi fuerant, vt non dubiam omnibus victoriam pollicerentur. Sed vt poeta ait,

Εἰς ὅτε δὴ λὸς ἀνὴρ, ὅτ' ἀξιμὸς ἔζεφ' ἀνδρῶν,  
 Diuites esse sine periculo & viuere volumus, factis & famæ & dignitati factū existimamus, si o-



mnibus cōferti voluptatibus lucem hanc intue-  
ri possimus. O antiquam Germanorum virtutē,  
qui Imperatorum potestatem iuris & recti fini-  
bus concluserunt : nec cuiusquam libidinem cō  
excurrere passi sunt, vt sibi ius diceret, atque legi-  
bus solutus in aliorum fortunas temere grassare-  
tur. Reuiuiscat nunc aliquis: & mulieres, pueros,  
senes, ab Hispanis abstrahi videat: domos inflam-  
mari: captiuos duci principes: sacra omnia & pro-  
phana violari, vt vnius hominis cupiditatē ex-  
pleant: non erigat sese? non aduersetur? nō mor-  
tem millies oppetere malit, quàm sic in seruitu-  
te viuere? Sed quoniam pax virtutis alumna, bo-  
norum omnium parens est, & nutrix: ad otium  
& tranquillitatem consilia conuertamus: dū pax  
sit eiusmodi quæ propē collapsam Remp. ab in-  
teritu vindicet: Turcā reprimat : Christianos  
denique principes firmissimis amicitia vinculis  
coniungat. In quo illud primo loco perpēdere o-  
porteret, longe honestius esse & magis Christiana  
religioni consentaneū, eos tueri qui iniuria adfe-  
cti sunt, quàm vnius hominis cupiditatē exple-  
re, qui totius orbis Imperiū spe deuorauit: atque  
recordari Ioan. Hungariæ Regē quem Oratores  
quidam in Germania (vt nunc Omphalius fa-  
cit) tollendum de medio clamabant, cum ab Au-  
straicis vndique premeretur, ad Turcarum auxi-  
lia confugisse, ex quo infinita propemodum in

Rempub. clades redundarunt. Eam esse hominibus ingentem cupiditatē, ut quò plus possunt, eò plus appetant. nec facilius fieri posse, ut infinita Casari tribuendo, pace fruantur, quàm Rex Christianis. quanquā multis lacessitus iniuriis, in Germanorū fauore, amicitia, obseruātia nō acquiescat. Etenim si serio Reip. opitulari velimus, in eo vel in primis elaborandum est, ut quibus radicibus pax potissimum nititur, iustitia, fide, æquitate, eas nos eò altius principū animis infigamus, quò maius periculum imminet, ne hoc quasi morbo, recreata Resp. nouo postea tumultū conflīctetur. Ut enim cōcurrāt omniū Christianorū auxilia, ut vrbes aliquot, oppida, aut arces expugnētur (quod fieri facilè non potest) vulnus certe accipiet Resp. nec prius Galli conquiescent, quàm id quicquid erit, iterum receperint. Id quod nunc immortalis de Mediolano controuersia declarat: quā multas vbique strages edidisse videmus. Quid ergo opus est (ut inquit Sophocles) ἂν τὸν ἀγῶνα δίκην, id est mutuis nos vulneribus confodere, cum Turca (qui nunc quasi ἐφεδρος & spectator, sed alacer & promptus sedet, ut vicens ipse & integer cum defatigatis luctetur) sic se cōpareret, ut monere pii omnes debeāt Casarem, ne dum solus regnare cupit, se ac totam Remp. hosteis simul & amicos perdat. Si enim Regē Christianis. contumeliis pergat adficere, nec exorari



se patiat, ut aliena potius restituat, quam summa rerum periclitetur: huic vitio verti non poterit, si ad exteriorum consilia confugiat. præsertim cum si sua recuperet, Christianæ Reip. fortunas, subditos & operam suam (si qua in re usus esse possit) liberaliter deferat. In quo illud vel in primis considerandum est, sic iam inde à centum ferè annis comparatum esse in Gallia, ut externo milite magis, quam suo Reges utantur: quod ea agricolarum & artificum opera deferri aut intermitte non velint, ex quibus præsentissimum ipsi vegetigal semper acceperunt. Cum igitur Germania quæ semper de milite accommodare solebat, non tantum suis illa militia interdicit, sed quibus potest rebus præterea Cæsarem iuvet: non esse committendum Regi Francorum ut inermem se & nudum tot hostibus obiiciat, sed Græcos omnes citius, Sarmatas, Barbaros, Turcas in auxilium evocandos, quam regnum ipse tot annis constitutum, literis, opibus, cæli bonitate florentissimum dissimili patiatur. Quod si Cæsar eo sit animo ut nihil tam cupiat, quam imperii sui fines propagare, hoc saltem cogitet, quanto sit utilius adiunctis aliorum principum viribus, immanis hostem aggredi: quam intestinis dissidiis eius potestiam alere, qui ad Reip. perniciem natus, educatus & constitutus esse videatur. Quantum enim adversus Galliæ Regem possit efficere, ut ex aliis multis antea, &

nūc ex hoc perspicui potuit, quòd Landericū oppi-  
dulū duabus horis à Gallis captum , duobus ipse  
Mēfibus obsedit & oppugnauit: tātūmque abest  
vt expugnaret, vt quotidie maxima ab eis intra  
vallū & fossam dāna acceperit. Qua verò die, qua  
si testudo caput è castris extulit, vt alterū oppidū  
Goisiā tentaret, tāta ferocia oppidani erupere, vt  
eum statim in proximas syluas cōpulerint: nec  
prius fugæ finis factus est, quā interfecti cōplures,  
capti nobiliss. Duces, & in his Ducis Ferrariæ fra-  
ter, sequentium impetū represserunt. Ad extre-  
mum Rex Christianiss. vt in agrorum militum  
locum alios sufficeret, commeatūque rerum o-  
mnium , quarū penuria in oppido laborabatur,  
commodius iuuaret, castra ad arcem Cameracē-  
sem promouit. Quò cum peruenisset, Cæsarem  
biduo obsidionem soluere coegit, factaq; ter pu-  
gnandi potestate, sic se cum exercitu incolumi  
in Galliā recepit, vt Anglorū, & aliorum equitū  
leuis armaturæ omnes ferè Duces captiuos ab-  
duxerit: cū tamen iniquo loco extremam ipsius  
aciem adorti fuissent. De Luxemburgo tantum  
id habeo dicere, ostendisse Regē Galliæ, se id pos-  
se efficere, quod reliqui homines fieri non posse  
censebant: nec tam seuerè ad calculum exegisse,  
quàm Cæsariani solent, quàm utilis esset Luxem-  
burgi possessio: tantūmque id sequutum esse, vt  
toti orbi planum faceret, nullo Gallos aut sum-

ptu aut incōmodo deterreri quo minus id quod  
semel ipsis visum fuerit, ad extremum persequā-  
tur . De Furstenbergensi sic omnes homines iu-  
dicant, æquum fuisse vt pecuniæ partē quam tot  
hominum damno in Gallia cōparauerat, in hoc  
bellum infunderet : atque se cū præclaro aliquo  
& insigni facinore Cæsari venditare cupit, sic ge-  
reret, vt ei proditiōis nomine suspectus, cū ma-  
gna infamiæ nota ad pristinum illum lectulum  
redire cogeretur . Sed quid tam exile aut iciunū  
dici aut cogitari potest, quàm Cæsare eorum o-  
pera vti quos sibi infensissimos fuisse cognouit?  
Anglorum auxilia sibi adiungere, à quibus fami-  
liæ suæ iniustam ignominia maculā præ se fert?  
Landebergos, Rosleymos, Furstenbergenses, pol-  
licitationibus & blande appellādo pellicere, quos  
etsi extremo, vt par est, odio prosequatur, sic ta-  
men vtilitatis spe sibi conciliet, vt iudicio eos &  
adfectu, nō simulatione cōplecti videatur? Quæ  
cum ita sint, iam omnes intelligere arbitror Re-  
gis Christianissimi consilia & cogitationes non  
eò pertinere, quò Omphalius commemorauit:  
sed ad Christianæ Reip. pacem, tranquillitatem,  
dignitatem & amplificationem. Cæsarem contra  
id vnum agere & moliri, vt specioso quodam ti-  
tulo Gallia Daniæque Reges petat, expeditionis  
Burgundicae aut Campaniæ prætextu Heluetiis  
& Lotharingis infidietur, quorū ditiones inge-

nira sibi & auita cupiditate spe deuorauit, vt faciliorem postea in Landgrauium & alios principes Illustrissimos sibi viam patefacere possit, & regnum illud suum Germanorum, quod iandudum sibi despondet, constituere: etiam si omni eos humanitatis officio prosequatur, imò maiestatis suæ fasces (quam sacrosanctam Diis & hominibus videri vult) submittat, quo iis artibus irretitos, ad extremū sibi parere cogat. Quo melius omnes communis periculi quod in eos intē tatur, recordatione excitati facturi sunt, si omnem diligētiā, operā, studiūque abhabeant, vt ita rebus rationibúsque omnium consulatur, vt Christiana Respub. & domi ab intestinis bellis soluta ac libera, & foris ab hostium incursionibus tuta, eam tandem aliquando quam maiores nostri pepererunt, recuperet dignitatem. Nā quod ad nos attinet, Deo Opt. Max. eiúsque filio seruatori nostro I E S V C H R I S T O humilī animo supplicamus, vt principum mentes suo instinctu ad hæc consilia & suscipienda & perficienda pertrahat.

O V L A, O V N O N.


2

*[Faint, illegible text, likely bleed-through from the reverse side of the page]*


~~Page 100~~













MC

